


احبيتك رغم قسوتك



احببتك رغم قسوتك

البارت الاول

مريم: بنت في كليه هندسه تبلغ من العمر 20 سنه تحب دراستها

عيونها عسلي ومحجبه وبشرتها قمحيه تعشق الهزار

نور: بنت في كليه الهندسه عمرها 20 سنه عيونها خضرا وشعرها

بني

مريم لنور: شكك جديده هنا صح

نور: ايوا اول يوم ليا وتايهه خالص

مريم: اعرفك بنفسي انا مريم وفي سنه اوله

نور: وانا نور في اوله برده

مريم: لا احنا كده بقينا صحاب بقا

انتي ساكنه فين ينور

نور: انا يستي ساكنه عند شارع ***** عارفاه

مريم: اها دا قريب مني جدا

نور: كويس عشان نروح ونجي سوا

مريم: قوليلي بقا يومك بيمشي ازاي

نور: الكليه وتمرين وبس

مريم: الله انتي بتتمري اي

نور: انا يستي بتمرن جري مسافات طويله

مريم: عارفه ان طول عمري نفسي العب لعبه دي بس كنت بخاف

اقول لماما

نور: لا قوليلها ونروح مع بعض

مريم: دا اكيد طبعا انا مصدقت اصلا ينهار ابيض المحاضره

نور: يلا بسرعه هنتاخر

دخلو المحاضره وخلصو

مريم: هكلمك بليل بقا هقولك ماما وافقت ولا لا يارب توافق بس

نور: ان شاء الله توافق متقلقيش

وودعو بعض وكل بنت روحت

في البيت عند مريم

مريم: مساء الخير بابا

محمود: مساء النور يقلب بابا اي اخبار اول يوم كليه عملتي ايه

مريم بمرح: كان يوم حلو اوي اتعرفت علي بنت لطيفه اوي يبابا

وبقيننا صحاب كمان

محمود: طيب يستي بس اهم حاجه تكون محترمه

مريم: اكيد طبعا هروح اساعد ماما بقا في تحضير الاكل

سلوي: انتي جيتي يحببتي

مريم: ايوا يماما جيت اهو عامله ايه يست الكل اعسل 😊😊

سلوي بستغراب: ها يلي انطقي عيزه مني اي

مريم: ديما قفشاني كدا بصي كنت عيزه منك طلب صغنون جدا

سلوي: خير ي اخره صبري

مريم: عيزه اروح النادي واتمرن مع نور صحبتي

سلوي: موافقه بس تخلي بالك من نفسك

مريم بفرحه: والله بحبك يسوسو يلا بقا عشان نفسي اتفتحت

علي الاكل

عند نور

نهى: نور يحببتي بتعملي ايه

نور: ولا حاجه يماما قاعده علي الاب توب بزاكر شويه

نهى: اي يبنتي عملتي ايه في اول يوم

نور بمرح: كان يوم حلو اووي واتعرفت علي بنت اسمها مريم

وهاخدها معايا التمرين

نهى: المهم البنت دي محترمه بيت

مريم: ايوا جدا ومحجبه كمان

نهى: طب ربنا يهديكي يبنتي وتبقي زيها اكمني تعبت معاكي مش

راضيه تقتنعي بالحجاب خالص

نور: ان شاء الله هلبسه يماما واقفلي بقا علي الموضوع دا

نهى: ماشي يبنتي ربنا يهديكي

بعد الاكل عند مريم

مريم: سيبني الاكل انتي يسوسو انا هشيلى

سلوي: طيب يختي

مريم شالت الاكل وطلبت من مامتها تنزل تشتري لبس للتمرين
ونزلت

مريم ماشيه بتتكلم مع نور في الفون: ماما وافقت اجي معاكي
التمرين انا مبسوطه اوي

نور: بجد والله فرحتيني اعلمي حسابك بكره بعد الكليه هنروح
ماشي

مريم: ماشي أنا نزلت اصلا اشتري لبس التمرين

نور: حساكي متحمسه اكثر مني

وفجاه شاب يخبط في مريم والفون يقع منها

مريم بعصبيه: مش تحاسب

الشاب: انتي الي ماشيه مش مركزه اصلا

مريم: انت الي مش محترم يلا غور

الشاب: مشي وسابها بتتكلم 😊

مريم: الو

نور: اي يبنتي كنتي بتخانقي مع مين

مريم وهي بتفتكر الي حصل: متفكرنيش دا واحد متخلف ماشي

يخبط في الناس

نور بضحك: معلىش يحببتي

مريم: ماشي بختي اقلي بقا اشوفك بكرا

مريم اشترت اللبس وروحت البيت نامت عشان الكليه

تاني يوم في الكليه

مريم: صباح الخير

نور: صباح النور اوعي تكوني نسيتي لبس التمرين

مريم: لا يستي انساه اي دا انا منمتش من الفرحة اصلا

وهزرو وخلصو محضرتهم وطلعو علي التمرين

نور: اهو المكان يستي تعالى بقا عشان نغير

مريم بحماس: مكان جميل اوي يلا انا متحمسه

دخلو يغيرو وخرجو

مريم وهي تنظر خلفها وهي تتحدث لنور: بس اي رايك في الطقم

بتاعي

احبيبتك رغم قسوتك

وفجاه خبطت في شاب

مريم: 😞😞

الشاب:

تفتكرو مين الشاب ده واي هيجصل بعد كده مع البنات

LQAA YASSER ✨

احبيتك رغم قسوتك

البارت الثاني

مريم خبطت في شاب

مريم: انت تاني بتمشي ورايا لي يبايخ

الشاب: وانا همشي وراكي لي يكونش يبت واقع في دبديبك

مريم: غور من وشي عشان مرتكبش جريمه دلوقتي

نور: استهدو بالله يجماعه مش كدا اي حصل ي عمر مدايق

مريم لي

مريم بستغراب: عمر اي ده انتي تعرفيه

نور: اها بينتي عمر معانا هنا في النادي وفي نفس فارقنا كمان

مريم: لا لا يمكن ابقي في مكان مع الشئ دا

عمر بتمثيل: لا يبت دا انا الي هموت وابقي معاكي في مكان

واحد

نور: خلاص اهدو ونتي تعالي معايا يمريم عيزاكي

مريم: انا هغير واروح ينور

نور: يبنتي اهدي والله عمر شخص طيب ومحترم اكيد بيهزر
ملكش دعوه بيه انتي جايه عشان تعملي الحاجه الي كان نفسك
تعملها مش ولد الي هيخليكي تتراجعي

مريم: اقنعيني يبت بينا علي التمرين

نور بمرح: ايوا بقا يروما يلا علي التمرين

راحو على مكان التمرين وعمر استغرب اي جابها تانى

الكابتن: انتي جديده هنا

مريم: ايوا انا مريم

الكابتن: وانا كابتن احمد تشرفت بيكي يلا نبدا

بداو التمرين وعمر منزلش عينو من علي مريم وكان بيقول

لنفسه ازاي بجد قمر بالملاح دي مش ملاك يربي

بس ملاك ازاي بلسانها دا

قاطعه الكابتن: عمر عمر انت فين يبني عمال اكلمك ونت مش

هنا

عمر: ااا انا معاك اهو يكابتن

الكابتن: ركز عشان انت الي هتمسك التمرين

عمر: تمام

خلص التمرين وطول الوقت كانت مريم متدايقه من اسلوب عمر
وقررت تفضل عند فيه

مريم: انا تعبت اوي ينور

نور: انا كنت زيك في الاول بس جسمي اتعود علي اللعبه

مريم: طب انا مش قادره امشي

نور: روجي ارتاحي

مريم: طيب باي انا بقا

نور: باي

في البيت عند نور

نور: مساء الخير عليكو

نهى واحمد: مساء النور يحببتي

نور: انا جعانه اوييي يماما حطيلي اكل

نهى: ادخلي حطي لنفسك انا مش قدرالك مش تتعبي في التمرين

وتجي هنا تشيليني

نور: يماما بس انا جايه جسمي متكسر

نهى: قولتلك الي عندي يلا شوفي هتعملي ايه

نور بزعل: ماشي يماما

احمد: حرام عليكى البنت لي بتتعاملني معاها كده

نهى: اسكت انت لازم تعمل الحاجه بيدها

احمد: متئسش عليها ينهي البنت نفسيتها هتبوظ

نهى: لا متخافش هي عارفه اني بتكلم في مصلحتها

عند نور في الاوضه

بتعيط علي معامله والدتها ليها: ليه كده يماما

ونامت وهي بتعيط

عند مريم في البيت

مريم: السلام عليكم

محمود وسلوي: وعليكم السلام اي اخرك كده بيت

مريم: عقبال ما خلصت والله

سلوي بخوف: اي دا يمريم مال رجلك انتي عملتي حادثه ثاني

يبت ولا ايه

مريم: حادثه اي يماما دا من التمرين

سلوي: اما نشوف اخرتها

مريم في اتجاه غرفتها ومش عارفه تمشي من الوجع: ااه

يعضك يرضا

سلوي ومحمود فضلو يضحكو عليها

مريم غيرت هدومها ورنت علي نور تظمن روحت ولا لا

نور: الو

مريم: اي ده انتي لحقتي نمتي يبنتي

نور: اها نمت في حاجه يروما

مريم: لا يحبيبتني كنت بظمن عليكي معلش قلقتك بقا كملني نوم

باي

نور: باي

ثم ذهبت مريم الاخري للنوم بعد يوم مرهق

عند عمر

بيفكر في مريم: يارب اي الصدف دي كل شويه نتقابل في مكان
شكل لو وكمان بتتمرن معايا يترا اي يحصل يست مريم وعملي
اي فيا خلتيني بفكر فيكي كدا

خالد: عمررررر

عمر: يخربيتك في ايه يبني

خالد: انت الي ايه انت اتجنتت يبني بتكلم نفسك

عمر: انا لا لا اكلم نفسي اي دا انا كنت بنام

خالد بخبث: بتنام اها طيب يخويا نام عشان وراك بكره محاضره
(ملحوظه عمر وخالد اخوات عمر في كليه الطب الصف الثالث
وخالد خاطب)

عمر: ماشي يلا امشي بقا يشيخ قطعت حبل افكاري 😂😂

خالد: تصبح على خير يعم

عمر: ونت من اهله

ونامو ابطالنا تفتكرو اي هيحصل بعد كده

✨ LQAA YASSER ✨

احبيتك رغم قسوتك

احبيتك رغم قسوتك

ببتك رغم قسوتك

البارت الثالث

تاني يوم الصبح

مريم: صباح الخير يماما

سلوي: صباح النور يحبيبه ماما نمتي كويس

مريم: اها يحببتي امال فين بابا نزل الشغل ولا اي

سلوي: اها نزل من بدري

مريم: طيب انا هدخل البس عشان الكليه عقبال متجزي لفظار

سلوي: ماشي يحببتي

_____ عند نور فونها بيرن

نور بنوم: الو اي يمريم

مريم: اي انتي لسه نايمه يبنتي قومي هنتاخر ع المحاضره

نور: هي الساعه كام

مريم: الساعه 8 ونص يهانم

نور بفرع وقامت من علي السرير جري: يلهوي اتاخرتت اقلي

اقلي هخلص واكلمك

وقفلو ونور خرجت وهي زعلانه من مامتها بسبب الي اسلوبها

معاها

نهى: اي يبت مفيش صباح الخير

نور: صباح الخير يماما

نهى: اي ده انتي زعلانه مني ولة ايه

نور بتريقه: لا خالص وانا ازعل منك لي دا انتي حتي مكلمتنيش

باسلوب وحش

نهى: خلاص بقي متزعليش مني ينونو شوفي حتي جهزتلك فطار

اهو

نور: تسلمي يست الكل انا هلبس عشان متاخره

لبست نور ورنبت على مريم

نور: هالا انا خلصت

مريم: طيب هستناكي قدام شارعك متتاخريش بس

نور: ماشي يلا بسرعه بس عشان هنتاخر اوبي

نزلو واتقابلو ووصلو الكليه ودخلو المحاضره

الدكتور: انا محدش يدخل القاعه بعدي اتفضلي برا ي انسه انتي

وهي

مريم: بس يا دكتور

الدكتور قاطعها: قولت برا

مريم: اصدق انك راجل بارد

الدكتور بعصبيه: حصلوني على اوضه العميد

نور: يخربيتك جبتيلنا مصيبه

مريم: نور متسبينيش يالهوي انا خيفه اوي

نور: متخافيش انتي بس اهدي

راحو لاوضه العميد

العميد: دي اول سنه ليكي وانا كان ممكن افصلك بسبب قله ادبك

ي انسه

مريم وهي تمسك اعصابها: مكنتش اقصد حضرتك

العميد: دي اخر فرصه ليكي بس لو جالي شكوي منك تاني هيتم

فصلك

مريم خرجت وهي بتلعن العميد

نور: هاا عملتي ايه

مريم: ولا اي حاجه قالي اخر فرصه ليكي

نور: طب الحمد لله خفي بقا ي ابله وبطلي مشاكل

مريم بمرح: مش بعرف والله يبنتي

خلصت المحضرات

مريم: انتي هتستني حد

نور: اها دا الواد عمر جاي عشان هديلو حجات

مريم اول ما سمعت اسم عمر الدم غلي في عروقها: طب انا

همشي انا عشان مش بطيقه

نور: يبنتي والله ظلماه تعالى بس هنديلو الحاجه ويمشي

اصرت نور علي مريم انها تفعل معاها وفي النهايه استسلمت

ووفقت

عمر جيه واول ما شاف مريم جيه يسلم عليها مردتش عليه

وفونها رن

مريم: الو مازن عامل ايه

احبيتك رغم قسوتك

عمر زقو وقعو على الارض: لو فكرت تكرر الحركة دي تاني
هبوظلك وشك

مريم بغضب: انت غبي

وجريت على مازن: قوم انت كويس

عمر بغضب: يلا ينور عشان اوصلك

نور: باي يميم كلميني لما تروحي باي

وخلص البارت علي كدا تتوقعو عمر ايه اتصرف كده وهل هو

فعلا وقع في حب مريم ولا هو لسه مصمم ينتقم منها عشان

اسلوبها

✨ LQAA YASSER ✨

احبيتك رغم قسوتك

البارت الرابع

مريم: انا اسفه بجد يمازن حقك عليا

مازن: من اصلا المتخلف ده

(ملحوظه يجماعه مازن بيحب مريم في السر)

مريم بتوتر: دا دا

مازن: دا اي متنطقي

مريم بخوف: دا تبمع نورر اناا معرففوش

مازن: طيب يختي هتفضلي سيباني علي الارض كتير قوميني

وعارفه لو شفتك تاني في مكان مع الواد ده هزعلك

مريم: طيب بس متزعقش كده يميزو ليطلقك عرق

مازن بغیظ: الهم ما طولك يروح

عند عمر

نور: اي الي انت عملتو دا ي عمر

عمر: والله مش عارف انا عملت اي ولي اصلا

نور بخبث وهو تغمزه: انت وقعت ولا اي معلم

عمر بتوتر: اقل اي بس انا لما اقع هقع علي دي لا لا يمكن

نور: ومالها يحيبي دي الف مين يتمناها انت الخسران اصلا

عمر: قفلي بقا علي السيره دي ينور

نور: سكتنا يعم

وصلو ونور طلعت بيتها ومازن وصل مريم وطلع معاها

مازن: خالتو حبيبي عامله ايه

سلوي: انا زي الفل يحيب خالته انت اخبارك ايه

وقعدو يرغو بقا نروح لمريم

مريم كانت بتسال نفسها ليه عمر كدا وفاقته من شرودها علي

صوت الباب بيخبط مريم: مين

مازن: يلاي روما عشان الاكل

مريم: خارجه يميزو اهو

خرجت مريم وقعدو علي السفره ومازن بيبيص لمريم ويهمس

ويقولها: ابي اقول ولا سماح المرادي

مريم: لا وحيات امك هتعلق والله انتي عارف خالتك مبترحمش

مازن: احم منورة يخالتو 😊😂😂

عند نور

نور: اي يبنتي مكلمتنيش ليه

مريم: عجبك الي حصل دا

نور: معلىش يروما حقتك عليا انا والله مش عارفه عمل كده ليه

اصلا

مريم: عشان يدايقني هو كدا علي طول بيعمل كل حاجة عشان

يدايقني

نور: طيب اهدي يستي المهم بكره في ضاحيه تعب النادي

ماتيجي نروح ونكنسل الكليه بكره

مريم: ماشي الساعة كام

نور: هنتجمع كلنا الساعة 6صبح كده عند ****

مريم: ماشي انا هقول لماما واجهز نفسي وانام ولو صحيتي قبلي

صحيني الله يسترك 😊

نور: طيب تصبحي على خير

قفلو علي كدا

مريم: ماما بكره في ضاحيه تبع النادي هروح

سلوي: طيب بس خلي بالك من نفسك كويس وكلميني كل شويه

مريم: باست دماغها وقالت حاضر يست الكل

ونامو ابطالنا

تاني يوم عند مكان التجمع

نور: استنوا هي اكيد جايه دلوقتي هرن عليها

مريم: انا جيتت

نور: اي اخرك كدا لسه كنت هرن عليك يلا بسرعه المترو

هيمشي

واتجمع الفريق ووصلو لمكان الضاحيه وطبعا عمر راح وكان

جايب معاه خالد اخوه

عمر: اي ينور عامله ايه

نور: الحمد لله يعمر

مريم: يلا عشان نغير ي نور

ومشيو وصلو لاوضه الملابس وخلصو وخرجو

احبيتك رغم قسوتك

عمر: مريم

مريم: افندم

عمر: ممكن اتكلم معاكي والله ع طول مش هدايقك

نور بصتلها انها توافق

مريم: ماشي بس ع طول هاا

عمر: حاضر تعالى

مشيو عمر ومريم

عمر: اسف على اسلوبى والله مكنتش اقصد ادايقك

مريم: عادى حصل خير

عمر: يعنى خلاص بقينا صحاب صح

مريم بابتسامه: اكيد

عمر: حلو دا يلا بقا تعالى عشان الضاحيه هتبدأ

راحو لمكان الضاحيه وكانو ببهزرو استغربت نور بس فرحت

لصحبته

نور: السناره غمزت ولا ايبى

مريم: بس يبت احنا بقينا صحاب بس

نور: هتشوفي بكرة تقعي وتقولني نور قالت

خلصو الضاحيه واحتفلو بالفائز وكان مركز اول هو عمر

وقعدو رسمو ولونو واليوم كان جميل

خالد: اي بقا القمر بترسم اي

نور: افندم بتكلمني انا

خالد: بتهيالي اها انتي

نور: في حاجه حضرتك

خالد: ممكن اقعد معاكي لو مش هيدايقك

نور: عادي اتفضل

قعدو يتكلمو وعرفت انو اخو عمر وهزرو وبقو صاحب برده

اليوم عدا وكل واحد راح على بيته

مريم سمعت مسدج جات على فونها راحت تشوف مين طلع عمر

باعتلها صورتها وهى بترسم

مريم: انا متغفله مين صورني

عمر: دي كاميرا تبع المكان

مريم: امم فهمت

احبيتك رغم قسوتك

عمر: بس انتي كنتي عامله كده ليه 😂😂😂

مريم: حطه القلم في بوقي عادي عشان اركز

وفضلو يهزرو وخلص اليوم وكانو ابطالنا مبسوطين عمر الي

بيفكر في مريم وخالد وهو بيفكر اي جذبه لنور

تفتكرو اي مسيرهم

✨ LQAA YASSER ✨

أحببتك رغم قسوتك

الفصل الخامس

اليوم الثاني عند عمر

عمر: خالد اصحي عندك شغل خالد: استني ينور انام شويه

عمر: نور مين واقفز عليه خالد: أنت حمار، فيحديصحيحكدا

عمر بنوايا خبيثة: كنت بتحلم بنور

خالد: ونت مالك يعم باحلامي

عمر: لا انا مالي يعم انا هروح كليتي احسن اتخدم انت

مشي عمر وخالد كمل نوم

عمر: _____ الو

مريم: في حاجه يعمر

عمر: طب قولني صباح الخير طيب

مريم: صباح الخير طيب في حاجه يعمر

عمر بضيق: دبش على فكره

مريم: انجزز عايز اييي

عمر: هتجي التمرين انهارده

مريم بتزكير: اها فكرتني جايه جايه

عمر: طيب بس متتاخريش ها

مريم: خلصانه يبروو

عمر: بكلم واحد صاحبي

مريم: لا صاحبتك بايي

قفلت مريم ثم قال عمر لنفسه: شكلي حبيتك ولا اي

_____ مريم: الو ينور ابي جهزتي

نور: اها يلا انا هنزل

مريم: ماشي متنسيش لبس التمرين

نور: لا منا مش هعرف اروح نهارده روعي انتي معلى

مريم: طيب انزلي باي

اتقابلو وراحو الجامعه وخلصت المحاضره وجيه معاد التمرين

وصل عمر امام جامع مريم ونور واتصل علي مريم

عمر: الو يمرم

مريم: خير يعمر

عمر: تعالي علي البوابه يلا عشان نروح النادي

مريم لسه هنتكلم كان عمر قفل ذهب للخارج وكان واقف بسيارته

عمر: يلا اركبي

مريم: هروح لوحدي

عمر: خلصي بقا نور مش معاكى وممكن حد يديك في الطريق

مريم: خلاص هاجي معاك عشان خيفه اصلا

عمر: طب يلاااا

ركب معاه ووصلو للنادي وانتهي التمرين

عمر: يلا همشي معاكى في طريقك

مريم: طيب يلا

عمر: ممكن نكون بيست فريند اي رايك

مريم: موافقه اكيد

عمر: اي حاجه ناخذ راي بعض فيها

مريم: موافقه

عمر: احم وابن خالتك دا متكلميهوش

احبيتك رغم قسوتك

مريم: ودا بيه ان شاء الله لا بقولك ايه متتحمش معايا عشان
انا مجنونه

عمر بضحك: ابي اهدي انفجرتي لي انا بس بطلب منك طلب
وعشمان انك تنفزي

مريم: هفكر ف الموضوع دا

ووصلت لبيتها وودعها وليوم عدا

تفتكرو اي هيحصل بعد كده

✨ LQAA YASSER ✨

عدا ساعتين وعمر ونور في قلق ومحدث من الدكاتره خرج
يظمنهم عليها

عمر: دكتور مريم كويسه صح قول انها كويسه

الدكتور: للاسف نزفت دم كثير ومحتاجين كيس دم بس فصيله
دمها نادره جدا مش موجوده في المستشفى

عمر: فصيله دمها اي

الدكتور: O-

عمر: دي نفس فصيله دمي يلا يدكتور انا هتبرعلها

دخل عمر مع الدكتور واتبرع لمريم بالدم وخرج

عمر: هااا يدكتور مريم احسن دلوقتي

الدكتور: الحمدلله قدرنا نتخطي مرحله الخطر ونص ساعة
والمريضه تفوق

عمر: الحمدلله يارب

نور: الحمدلله انا هرن علي مامتها اعرفها

رنت نور على والده مريم

سلوي: يترا رقم مين ده

ثم ردت

سلوي: الو مين معايا

نور: انا نور صحبه مريم يطنط

سلوي: اهلا وسهلا يحبييتي مريم كويسه

نور: بصراحه يطنط مريم عملت حادثه وهي دلوقتي في اوضه

العمليات بس اطمنك الحمد لله عدت مرحله الخطر

سلوي: يمصييتي قوليلي عنون المستشفى بسرعه

نور: حاضر يطنط العنوان *****

قفلت نور مع والده مريم وبعدها بوقت قصير وصلت والده مريم

للمستشفى

سلوي: انتي الي كلمتيني صح

نور: ايوا انا نور

سلوي: بنتي فين هاتولي بنتي

عمر: اهدي يطنط حضرتك هي دلوقتي خرجوها من اوضه

العمليات متقلقيش هتبقي كويسه

سلوي بعياط: كأن مستخبيلنا فين بس دا يارب

نور: اهدي يطنط مريم هتبعي كويسه والله متقلقيش

سلوي: يارب يبنتي يارب

بعد شوية خرج الدكتور

الدكتور: تقدرود تدخلو تظمنو على المريضه

جريت سلوي ونور وعمر علي اوضه مريم

سلوي: اي اليي حصلك يقلب ماما قومي يحببتي متقطعيش قلبي
عليكي

نور: يطنط كده حضرتك هتتبعي اهدي وهي شويه هتفوق

سلوي: حاضر يبنتي

نور: تعالي معايا هنروح نجيب قهوه

راحت نور وسلوي وعمر فضل مع مريم

عمر بدموع: كنت خايف اوي تضيعي مني انا مصدقت لقيتك

مريم مش هتروحي مني زي أمي لا مش هتروحي انا بحبك اوي

مريم بحبك من اول ما شفتك يارب تفوقي يحببتي بقا

مريم: ااه دماغي

عمر بفرحه: مريم انتي فوقتي

خرج عمر يجري يده الدكتور

عمر: يدكتور مريم فاقت

جري الدكتور مع عمر لاوضه مريم

الدكتور: حمد لله على سلامتھا هي تقدر تخرج بكره صبح هي

بقت زي الفل

عمر: الحمد لله

وصلت نور وسلوي عند اوضه مريم

سلوي اول نا شافت مريم فايقه جريت عليها: مريم حبيبتي انتي

كويسه في حاجه بتوجعك طيب سلامتک يروح ماما

مريم: انا كويسه يماما متقلقيش

نور: حمد لله على سلامتک يميروم

مريم بتعب: الله يسلمك ينونو

عمر: حمد لله على سلامتک يميروم

مريم: الله يسلمك يعمر انت هنا من امتا

عمر: يااه من زمان اوي

مريم: اممم

احبيتك رغم قسوتك

عدا اليوم وجيه تاني يوم ومريم خرجت

مريم: انت مروحتش يعمر

عمر: لا هنا من امبارح

مريم: ليه بيني شكلك منمتش

عمر: يستي عادي يلا بس انتي قومي بالسلامه

عدت فتره وحياه ابطالنا ماشيه حلوه وعمر قرب من مريم وخالد

قرب من نور

تم البارت علي كدا تتخيلو الي جاي هيكون اي

✨ LQAA YASSER ✨

احبيتك رغم قسوتك

البارت السابع

نور فونها رن

نور: الو عامل ايه يا خالد

خالد: الحمد لله ونتي عامله ايه

نور: الحمد لله في حاجه ولا ايه

خالد: لا بس كنت بشوفك اذا كنتي فاضيه ولا لا عشان عازمك

علي العذا نهاده

نور: ودا مناسبه اي

خالد: عادي ينور بصي لو مش حابه خلاص

نور: لا لا تمام معاك

خالد: ماشي هستناكي في مطعم ***** نهاده ساعه 7

نور: اشطا باي

قامت نورك تجهز قبل ما المعاد يجي في مكان تاني عند خطيبه

خالد فونها بيرن

احبيتك رغم قسوتك

شرين: الو مين

شخص مجهول: خطيبك بيحب واحده ورايح يقابلها انهارده ساعه

7 في مطعم *****

شرين: مين معايا الوو

الخط قطعت للاسف شرين قعدت تفكر هتعمل اي وكررت تروح في

المعاد وتتأكد بنفسها

عند مريم في البيت

سلوي: اي يمريوم صباح الخير يقلب ماما مش هتفطري

مريم: ياريت اصلا صحيه جعانه اوي

سلوي: ماشي هجهز الفطار ونفطر مع بعض

مريم: ماشي ونا هكلم عمر عشان لقيتو رانن عليا كتير

سلوي: انا مش مستريحه لموضوع عمر دا

مريم: يماما والله عمر شخص محترم ونتي هتتاكدي بنفسك

سلوي: طيب يبنتي الي يريحك

مريم رنت علي عمر

عمر: الو انتي فين من الصبح عمال اكلمك مش بتتردي قلقتيني

عليكي

مريم: سوري يعمر والله كنت نايمه

عمر: اهم حاجه انك كويسه

مريم: اها كويسه

عمر: طيب انتي وراكي حاجه انهارده

مريم: لا ليه

عمر: حلو انا عازمك علي العشا نهارده في مطعم

*****ساعه 8كدا حلو

مريم: بس يعمر

عمر: مبيشش انا عيزك في موضوع مهم جدا

مريم: طيب ماشي نتقابل في معادنا

قفل عمر مع مريم ومريم قامت تفطر وتجهز للمعاد

نروح عند نور كانت جهزت والساعه جات 6ونزلت

خالد: اي ينور فينك

نور: انا اهو نزله

احبيتك رغم قسوتك

خالد: طيب مستنيكي يلا

وصلت نور للمطعم

خالد: تعالي نقعد هنا

نور: يلا

خالد: شكلك انهارده زي القمر

نور: يعني مكنتش قمر قبل كده

لسه خالد هيرد كانت شرين جات

شرين: يبقي انت سايبني بقالي شهر مبتكلمنيش ونت ماشي مع

الهانم

نور: مين دي يخالد

خالد: استتي ينور انا هشرحك وبعدين انتي اي الي جابك هنا

شيرين

شرين: جيت عشان اكتشف خيانتك يخاين تسمحي لي اعرفك

بنفسي يحلوه انا شرين خطيبه الاستاذ والمفروض فرحنا بعد كام

شهر

خالد: احرصى بقا انا مبحبكيش انا كنت هكلمك واقولك نفرکش

الخطوبه انا بحبها هي

شرين: انت بتبعني انا عشان الملقه دي انا هندمك يخالد

نور: انت كنت مخبي عليا طول الفتره دي انا غلطانه اني وثقت

فيك انسانيي وملکش دعوه بيا تاني اخرج من حياتي

خالد: نور استني هشرحك بس نور انا بحبك

نور مشيت وخالد حاول يلحقها معرفش

عند مريم كانت جهزت عشان معادها مع عمر

عمر: خلصتي يقمر

مريم: اها اهو نزله

عمر: مستنيكي قدام المطعم متتاخريش باي

مريم: باي

وصلت مريم للمكان ودخلو وكان المطعم متزين وجميل وكلو

بلالين ومكنتش فيه حد غيرهم قعدو

مريم: اي ده امال فين الناس

احبيتك رغم قسوتك

عمر: تقبلي تتجوزيني

مريم: موافقه موافقه

عمر شالها ولف بيها وكانت الفرحة مش سيعاهم

قعدو كلو وانبسطو وخلص اليوم

عمر: حبيبتى خلي موضوعنا سر لفته مؤقته بس

مريم: انت مش هتتقدملي

عمر: لا هاجي بس نقرب من بعض اكرت بس

مريم: ماشي الي تشوفه يحبيبي انا هطلع بقا عشان هتاخر

هتوحشني

عمر: ونتي كمان يروحي باي

انتهي البارت تتوقعو عمر ليه عايز يخفي ارتباطه بمريم واي

هيحصل بين نور وخالد وهل هيرجعو ولا لا

✨ LQAA YASSER ✨

احببتك رغم قسوتك

البارت التامن

عند نور في البيت

وصلت البيت

نهى: مالك ينور يحببتي

نور مردتش عليها ودخلت جري علي اوضتها وقفلت الباب عليها

نهى: افتحى ينور مالك يحببتي بتعطي ليه

نور: سيبيني لوحدي يماما دلوقتي

نهى: يحببتي متقلقنيش عليكي

نور بزعيق: عيزه ابقى لوحدييي

نهى بدموع: الي يريحك يبنتي

عند خالد ماشي في الشارع عمال يرن علي نور مش بترد فا قرر

يتصل بعمر ويحكيو الي حصل

خالد: عمر الحقني انا وقعت في مصيبه

عمر: خير يبني في ايه

خالد: شرين ي عمر شرين شافتي أنا ونور في المطعم ونور
عرفت اني خاطب وكنت بكذب عليها طول الفتره دي بس انا والله
كنت ناوي اسيب شرين واعرف نور بس ملحقتهش اعمل حاجه
عمر: اهدي يبني كل حاجه هتبقيني تمام بس سييها هي تهذا من
صدمه

خالد: عمر انا بحبها

عمر: متخافش اكيد هي كمان حبتك

خالد: ربنا يستر بقا والموضوع يعدي علي خير انا دلوقتي رايح
عند اهل شرين عشان هخلص الموضوع ده

عمر: لو رحتم دلوقتي مش هتخرج سليم عشان انت غلطان والي
عملتو مش قليل

خالد: مش مهم بقا المهم ان نور متروحش مني

عمر: طيب شوف هتعمل ايه وكلمني باي

خالد: باي

عند مريم في البيت

مريم كانت طايره من الفرحة لان حبها اعترفها انو بيحبها

سلوي: اي يميم مالك مبسوطه وعماله تنتطتي كدا ليه

مريم: لا يماما مفيش حاجه مبسوطه شويه

سلوي: ربنا يجعلك مبسوطه ديما

خرجت سلوي ومريم قالت انها هتتصل بنور تظمن عليها

مكلمتهاش طول اليوم

مريم: هو أنا عشان مكلمتكيش طول اليوم مش هتكلميني يعني

نور: سيبيني دلوقتي يميم معلش

مريم: اي دا انتي بتعيطي مالك يحببتي

نور حكيت لمريم علي كل الي حصل

مريم بصدمه: كل ده حصل ازاي مكانش باين عليه طول الفتره

دي

نور: المشكله اني حبيتو يميم

مريم: طيب يمكن انتي فاهمه غلط اهدي انتي وهشوف الموضوع

ده نامي وارتاحي

احببتك رغم قسوتك

نور: حاضر باي

مريم: باي

مريم رنت علي عمر

عمر: اي يروحي وحشتيني

مريم: بلا وحشتيني بلا زفت بقا اي الي اخوك عملو مع صحبتي

دا

عمر: هو كان هيسيب شرين وهي عرف نور بس ملحش الزفته

دي جاتلهم في وقتها

مريم: شوف حل في الموضوع ده يعمر انا صحبتي بتدمر بسبب

اخوك

عمر: متقلقيش يحببتي كل حاجه هتبقي تمام

مريم: انا هقفل عشان ماما باي

عمر: باي

تتوقعو خالد هيعمل اي وهيرجع نور ازاي وعلاقه عمر ومريم

هتستمر لحد فين

احبيبتك رغم قسوتك

✨ LQAA YASSER ✨

احبيتك رغم قسوتك

البارت التاسع

خالد قدام بيت شرين طلع ووصل قدام بيتهم وخبط فتح لها ابوه

شرين

مختار: انت اي الي جابك هنا يلا بعد الي عملتو دا

خالد: جاي اخلص الموضوع بتاع بنتك بنتك مبقتش تلزمني يحج

مختار: لي وهو انت فاكر دخول الحمام مش زي خروجه انت

كنت بتلعب ببنتي ونا هدفعك تمن دا غالي اوي

خالد: بنتك عندك يعم انا مش عايزها انا كنت بحاول اتاقلم معاهم

الفترة اللي فاتت بس معرفتش وربنا رزقني بالي احبها وتحبني

مختار: هندمك يخالد علي الي عملتو في بنتي

خالد: انا ونت والزمن طويل واعلي ما فخيرك اركبه وحتى الذهب

الي جايه لبنتك خلها مش عايز حاجه تفكرني بيها

مختار: انت اللي هتحفر قبرك بنفسك بين نصر

خالد: هنشوف

مشي خالد من عند بيت شرين وهو بيفكر هيعمل اي مع نور
وازاي هيصالح المصيبه الي عملها وفجاه جاتلو فكره انو يتصل

بعمر

خالد: اي يبني بقولك بسرعه كلم مريم وقولها تعدي علي نروح

تاخدها ويروحو التمرين

عمر: انت ناوي علي اي

خالد: ملكش دعوه انت اسمع كلامي بسس

عمر: طيب هكلمها اشوفها هترضي ولا لا لانها مش طيقاك من

ساعتها وبصراحه كده حقها يعني

خالد: طيب خلص يعمر شوفها وكلمني سلام

قفل خالد مع عمر وكان بيدعي انها تروح التمرين عشان يحاول

يصلح الموضوع

عمر رن علي مريم

عمر: مريم حبيبتي ممكن اطلب منك طلب

مريم: خير جايلي بمصيبه اكيد

عمر: لا بس انتي اكيد عوزه تصلحي بين خالد ونور

مريم: اها

عمر: طيب انتي هتعدى علي نور تخديها وتجي تتمرنو عادي

والباقي عليا انا

مريم: طيب فهمني هتعمل ايه

عمر: هتشوفي يستي باي يلا

قفل عمر مع مريم ورن علي خالد قاله انهم هيروحو النادي

خالد: حلو بس يارب ترضي تكلمني

عمر: حاول وان شاء الله خير

خالد: يارب

قفلو وجيه معاد التمرين وفعلا مريم جابت نور بعد ما كانت مش

موافقه تنزل واصرت عليها مريم وراحت معاها

مريم: انسي بقا الي حصل والله بيحبك

نور: متجيبش سيرته لو سمحت

مريم: انتي حتي متعرفيش هو بيحاول يعمل ايه عشانك

نور: مش عيزه اعرف وياريت متجيبش سيرته تاني

مريم: يساتر يشيخه دماغك نشفه اوي

بدا التمرين ومريم سابت نور لوحدها باتفاق مع خالد وعمر وجيه

خالد يجري جمب نور

خالد: اي بقا هتفضلي متكلمنيش كتيرر علي فكره وحشتيني

نور: انت اي اللي جابك هنا مش كفايه اللي عملتو عايز اي

مني تاني اطلع برا حياتي بقا

خالد: هشرحك الي حصل طيب

نور: تشرحلي اي تشرحلي اني كنت مخدوعه انك مش مرتبط

وتطلع خاطب عملتك اي عشان تعمل معايا كدا دا انا حتي

حبيتك

خالد بصدمة: ابي حبتيني

نور: ايوا بس ربنا كشفك متاخر اوي اخرج من حياتي مش عوزه

اشوفك تاني

انتظرو البارت القادم

✨ LQAA YASSER ✨

احبيتك رغم قسوتك

احبيتك رغم قسوتك

البارت العاشر

عدت فتره وخالد بيحاول مع نور بس مفيش فايده حتي مريم
بتحاول معايا وهي مصممه انها تخرجو من حياتها

عمر رن علي مريم

عمر: اي يحبيبي

مريم: اي يروحي بطولتك بكره

عمر: اها انت هتجي تشجعيني صح

مريم: دا أكيد طبعاً

عمر: طب متحاولي تجيبي نور معاكي ونظبتها هي وخالد

مريم: ماشي هقولها

عمر: هقفل انا بقا عشان هجهز حجات

مريم: ماشي يحبيبي باي

قفلت مريم مع عمر واتصلت بنور

مريم: نور وحشتيني

نور: ونتي والله كمان اي يبنتي مبتجيش لي

مريم: بزاكر منتي عارفه الامتحانات داخله

نور: ربنا معانا

مريم: يارب المهم بكرة بطوله عمر تعالي نروح مع بعض

نور: هشوف ماما بس وهقولك

مريم: طيب شوفيها وكلميني

نور: ماشي

قفلت مريم مع نور ونور خرجت تقول للباباها ومامتها انها راحه

مع مريم

نور: ماما بابا بكرة في بطوله تبع النادي هروحها

نهى: مفيش مرواح في حته اقعد في البيت

احمد: حرام عليك سيبى البنت تفك عن نفسها شويه

نهى: انت هتبوظهالي

احمد: ملكش دعوه انتي روعي يحبيبه بابا وانبسطي

نور جريت على باباها وباسته وطلعت لسانها لمامتها

نور: هرووح

دخلت نور اوزتها ورنيت علي مريم وقالتلها انها هتروح واتكلمو
شويه عن شكل لبسهم هيبقي اي وقفلو ونامو

تاني يوم

راحو مكان البطوله وكان اليوم جميل بس صادف انو عيد ميلاد
مريم ومريم لاحظت ان محدش فاكر اصلا فا ادايقت وقالت انها
مش هتقولهم وتسيبهم لو افكرو

جيه معاد بطوله عمر

عمر: انا خايف اخسر

مريم: شد حيلك انت قدها يحيبي

نور: شد حيلك يبطل مصر امانه بيك ايديك 😂😂

عمر: غوري يرخمه

نزلت عمر عشان يبدا ووقف علي الاستارت واطلق احد المدربين
طلقه في الهوا لبدا للسبق وبدا السبق والتشجيع

مريم: عاش يعمر اطلع عاش اوي

نور: ايبني يعموور اعلي يبطل هيحبك

فضلو يشجعو لحد ما السابق خلص وعمر جاب مركز اول وعنل

رقم شخصي جديد في الوقت ده جيه خالد

خالد: نور اسمعيني

نور: خالد انا تعبت مش حابه اسمعك

خالد بزعيق: مش عيزك تسمعيني عشان نرجع انا مش هقدر

ابقي مذنب في عينك لازم تسمعي

وشدها خالد من ايدها وراحو لمكان لوحدهم

نو: سيب ايدي بعد اذنك

خالد سابها ووقف قصادها

خالد: هحكيك عملت كده ليه وبدا يحكي

فلاش باك

ابو خالد: يبني ابوها كاسر عيني لازم تتجوز بنتو

خالد: بس يبابا انا مش بحبها

ابو خالد: انا خلاص هموت يبني نفرز وصيتي قبل مااموت

خالد: حرام عليك يبابا

عمر: خالد اهدا مينفعش كده دا ابوك

احبيتك رغم قسوتك

عمر: انا هدخل اغير بقا عشان نمشي

مريم ادايق اكثر عشان ناسين عيد ميلادها مريم: ماشي

متاخرش

عمر لاحظ زعلها بس مكانش عارف سببو

خلص البارت علي كده تتوقعو هيحصل اي في البارت الجديد

✨ LQAA YASSER ✨

احببتك رغم قسوتك

البارت الحادي عشر

عمر غير هدومه وخالص هيروجو نور وخالد كانو ماشين مع

بعض ومريم وعمر كمان

عمر: بحبك ع فكره

مريم: وانا كمان

ركبو الاتوبيس وكل اتنين قعدو في كرسي وماسكين ايد بعض

عمر: تجي نروح ناكل اي حاجه قبل منروح

مريم: ياريت انا جعانه

عمر: اشطا اي رايكو يعيال

نور وخالد: ماشي يلا نروح مطعم

عند مريم ف البيت

سلوي: بنتك اتاخرت اوي يمحمود

محمود: اهدي بس يحبتي اتلقيا جايه دلوقتي

سلوي: يارب جيب العواقب سليمان يارب

في المطعم راحو كلهم وكان فاضي ومتجهز علي اعلي مستوي

مريم: الله اي المكان الجميل ده

عمر: حبيت اعملهاك مفاجأة

نور وخالد: هابي بيرث دااي يرومااا

مريم دمعت وقالتلهم: انا بحبكو اوي والله

عمر: كل سنه وانتي معايا يروحي

وظلعها هديه كانت ساعه عليها اسمها وتاريخ ميلادها وسلسله

واكسسوار

عمر: معلى حاجه بسيطه كده

مريم: دي احلا هديه جاتلي في حياتي

وحضنو بعض وخالد ونور ادوها الهديه وروحو البيت

مريم وصصلت البيت

سلوي: اي الي اخرك كده

مريم: معلىش يماما طريق كان زحمه اوي

سلوي: فضلت ارن عليكي تلفون مقفول

مريم: اسفه مش هكررها

سلوي: طيب يلا ادخلي غيري

عند نور في البيت

نور: مساء الخير يجماعه

احمد ونهي: مساء الخير ينوري

نور: اي عايزين تقولو اي

نهي: ديما قفشانه كده

نور: في ايه

نهي: بصراحه كده في عريس متقدمك وواقفين علي موافقتك

نور بصدمه: عريس ابي

نهي: عريس محترم وطول بعرض اي وحلاوه اي

نور بنفعال: ماما انا مش موافقه

احبيتك رغم قسوتك

نهى: بت انتي بقولك اي هتوافقي ورجلك فوق رقبتك

جرريت نور علي اوضتها تعيط بعدها بساعه رن خالد

خالد: اي يروحي

نور بدموع: اي يخالد

خالد: نور انتي بتعطي لي

نور بنهيار: انا في ورطه يخالد في عريس متقدملي وبابا وماما

موافقين

خالد:

خلص البارت علي كده تفتكرو اي رد فعل خالد وهيسيب نور وللا

لا

✨ LQAA YASSER ✨

احببتك رغم قسوتك

احببتك رغم قسوتك

البارت الثاني عشر

نور بنهيار: انا في ورطه يخالد في عريس متقدملي وبابا وماما

موافقين

خالد: ازاي يعني الكلام ده

نور: مش عارفه يخالد مش عارفه خلصني من الموضوع ده

خالد: اهدي طيب انا هتصرف

قفل خالد مع نور ورن علي عمر

عمر: اي يخلود

خالد: مش وقتك دلوقتي نور متقدملها عريس واهلها موافقين

اعمل ايه

عمر: نطفشو

خالد: فكر طيب وكلم مريم تروح تواسيها

عمر: ماشي سلام

قفل عمر مع خالد ورن علي مريم

مريم بنوم: اي يعمر بترن دلوقتي ليه

عمر: قومي يبت شوفي في المصيبة الي احنا فيها

مريم: مصيبه مصيبة اي خير

عمر: نور متقدمها عريس واهلها موافقين

مريم: اي العبط ده اوعي تكون بتهزر

عمر: يستي مش بهزر شوفي الموضوع ده

مريم: ماشي سلام

قامت مريم ومستنتش النهار يطلع ونزلت راحت لنور

مريم: اي الي حصل

نور بعياط: عيزين يجوزني

يمريم

مريم: يبنتي اهدي هنشوف حل

قعدو يتكلمو وموصلوش لحاجه وراحت مريم تكلم مع ابوها وامها

بس رفضو تطفيش العريس

نور رنت عل خالد

نور: خلاص ي خالد مش هينفع نبقي مع بعض تاني انا اهلي

مصممين علي العريس

خالد: انتي بتاعتي انا مش هتكوني لحد غيري

نور: قالي مش راضين يرفضو

خالد: انا هتصرف اقلي دلوقتي

قفلو وخالد قرر انو هيطفش العريس بنفسه

خالد سال وعرف مكان العريس فين وراحلو

خالد: نور بتاعتي ونا وهي بنحب بعض ابعد عنها الاحسن ليك

سامح (العريس): لا هخدها وهتجوزها بحبها يعم

خالد: يبقي انت اللي اختارت

خالد ربط سامح وضربه وقالو هتسيبها ولا ادف. نك هنا

سامح بخوف: خلاص خلاص هسيبها فكني بقا

خالد: امضي علي ورق عدم التعرض لها

سامح: لا مش همضي

خالد ضربه: هتمضي ولا امو. تك

سامح خاف ومضي

خالد: تمت بس عارف لو شفتك مقرب ناحيتها هندمك بجد
خالد فك سامح وسامح مشي وفضل يتوعد لخالد انو مش هيسيب
حقو

خالد اتصل بنور

خالد: اي يعروستي متشليش هم حاجه

نور: ازاي عملت ايه

خالد: طفشتو بطريقتي

نور بفرحه: بجد يخالد

خالد: بجد يقلب خالد

نور: انا بحبك اوي يخلودي

وقعدو يتكلمو ومريم فرحت ومشيت وقالو انهم هيتقابلو في

التمرين

راحو النادي والتمرين كان عمر هو اللي هيمسكو

عمر: هطلع عنيكو

مريم: عمر انا تعبانه

عمر: هتتدلعي همشيكي

مريم زعلت من طريقه لآكن هو عايز مصلحتها

بدا التمرين وكلهم كانو بيدعو علي عمر عشان برنامج التمرين

كان صعب وتعبو

نور بتعب: كفايه يعمر نفسي اتقطع

عمر: انشفو وبطلو دلع

خلص التمرين وغيرو وهيروحو

عمر واقف هو وخالد مستنين نور ومريم جات بنت حلوه

عمر: شايف البطل ده

خالد: اتلم مريم لو سمعتك هتولع فيك

عمر: يعم بقا وهي مريم فين

مريم كانت وقفه وراه عمر وخالد مكانش عارف يقولو بس كان

عمال يبصلها وهيعيط بسبب الموقف الي هو فيه

عمر: اي يبني بتبص كده ليه

خالد: هه لا مفيش حاجه ربنا معاك انت

عمر بشك: اوعا تقول انها ورايا

احبيتك رغم قسوتك

عمر لف لقا مريم وراه

عمر ببتسامه صفرا: انتي هنا يروحي من امنا

مريم: من اول ما شفت البطل

عمر: انا بس انا مقولتش حاجه

مريم بدموع: حقيقي الغلط مني عشان مصدقتهمش لما قالولي ده

بتاع بنات

وسابته ومشيت بتعيط

خلص البارت علي كده تفتكرو اي هيحصل في اللي جاي

✨ LQAA YASSER ✨

احبيبتك رغم قسوتك

احبيبتك رغم قسوتك

البارت التالت عشر

مريم بدموع: حقيقي الغلط مني عشان مصدقتش لما قالولي بتاع

بنات

وسابته ومشيت بتعيط

عمر: مريم استني والله مقصد تعالي هنا

وجري ورايا

نور: انت كنت بتتكلم معاه ع البنات صح

خالد: والله ابا انا كنت بقولو مريم لو سمعتك مش هتسكتلك

نور: لو كنت بصيت لوحدته هعرف

خالد بخوف: ماشي ماشي

عند مريم في البيت روت وعمر ملحش يوقفها

مريم بزعيق: ماماااااا انا عيزه اكل

سلوي: في ايه بيت صوتك عالي كده ليه

مريم بعصبيه: عايزه اكل مطفحش يعني

سلوي: وطي صوتك ده وهعملك تاكلي

قعدت مريم وعمر كان عمال يرن عليها وهي مبتردش لحد ما

زهقت وقفلت الفون

عند عمر

ردي بقاا يميم

فضل يرن اكر من 50مره واخيرا ردت

مريم: عايز اي يلا

عمر: يقلب الولا والله انتي فاهمه غلط

مريم: البت عجبك يبتاع البنات

عمر: محدش عجبني غيرك يروحي

مريم بزعيق: خليه ينفعووووك

وقفلت السكه

خالد روح نور البيت

خالد: خلي بالك من نفسك يحبيبي

نور: حاضر يروحي باي

طلعت نور ودخلت البيت

نهى: انتي جيتي ينور

نور: ايوا يماما

نهى: اتاخرتي كده ليه

نور: مريم تعبت يماما وكنت بوصلها

نهى: طب هي كويسه دلوقتي

نور: اه الحمد لله

نهى: ابقى سلميلي عليها

نور: الله يسلمك

ودخلت اوضتها ورننت علي مريم

نور: اي يبنتي اي مشاكي

مريم: يعني عاجبك الي هو عاملو

نور: لا بس انتي كبرتي الموضوع

مريم: انا هعلمو الادب

نور: قادره

احبيتك رغم قسوتك

وقعدو يهزرو

عند خالد وعمر

خالد: انت غبي قولتلك مريم مش هتسكت لو عرفت واديتها عرفت

عمر: يعم انا كنت بهزر وبصراحه البنات جامدين

خالد حدفو بالمخده: انت مش هتتغير ابدًا وهتفضل في مشاكل

انت وهي وهتخسرو بعض

عمر: انت فاكرنى بحبها يعم انا بتسلي يومين وهخلع انا اصلا

مش قد مسؤليه

خالد: حرام عليك عيزك تعرف ان كما تدين تدان

عمر بتريقه: ماشي اخر برا بقا يشيخنا

خالد سابو وخرج وهو بيدعيو ربنا يهديه ويفهم ان اللي بيعملو

ده غلط

خلص اليوم وتانى يوم في الكليه البنات راحو وخلصو محضرات

وجوم يمشو عمر جالهم

عمر: اركبي

مريم: لو سمحت ملكش دعوه بيا

احبيتك رغم قسوتك

عمر: بقولك اركبي الناس بتتفرج علينا

مريم: اووف

عمر: لازم ازعق يعني

وخدها ومشيو بالعريه

مريم: انت واخذني علي فين

عمر: هتعرفي لما نوصل

مريم: مش مرتحالك

البارت خلص تتوقعو هيحصل اي

✨ LQAA YASSER ✨

احببتك رغم قسوتك

احببتك رغم قسوتك

البارت الرابع عشر

مريم: انا مش مطمئناك

عمر: متقلقيش

افتكر لما كان بيكلم خالد

فلااش بااااك

خالد: انت طلام مش بتحبها عرفها حرام تفضل مفهمها انك

بتحبها ونت بتلعب بيها

عمر: انت مالك انا عايز العب

خالد: انت لو مبعدهتش عنها انا الي هقولها ي عمر قدامك لحد

بكره قولت اي

عمر: هسيبها يخالد عشان انا بازيها انا مستهلهاش اصلا

خالد: ربنا يعوضها بحب احسن منك يكون راجل بجد ويحبها

باااااك

عمر: وصلنا انزلي

مریم: اي المكان ده

عمر: مریم انا عايز اتكلم معاك في موضوع مهم

مریم: في ايه

عمر: مریم احنا مش هينفع نكمل مع بعض انتي تستاهلي

الاحسن مني ربنا يسعدك

كلام عمر نزل علي مریم كالصعقه

مریم بصدمة: عمر انت بتقول اي بتهزر صح

عمر: لا يمریم مش بهزر دي الحقيقه انا بازيكي وانتي

متستاهليش مني كدا

مریم: بس انا حبيتك كل ده بسبب غيرتي صح انا اسفه مش

هدايك والله بس متبعدهش عني

عمر: اسف يمریم بس انا مش قد مسؤوليه ارتباط دلوقتي

مریم بزعيق: طلام مش قد مسؤوليه ارتباط لي خلتي احبك لي

تعلقني بيك حرام عليك كنت عملتك اي وحش عشان تعمل معايا

كده

عمر: مریم افهمي انا بازيكي

مريم بعياط: ازيني ازيني بس متبعدهش عني

عمر: اسف مش هقدر مبعقتش مرتاح في العلاقه دي

مريم: انا مش لعبه بين ايدك عشان وقت ماتقولها نكمل يبقي

نكمل نسيب يبقي نسيب انا بني ادمه وبحس حرام عليك

عمر بزعيق: مريم كفايه كلامك ده مش هياثر فيا انا مش بحبك

اصلا انتي كنتي مجرد وقت في حياتي وزهقت من الوقت ده

وهنهي

مريم بصدمة: كنت وقت ومحبتنيش

عمر: ايوا

مريم: عمري ما هسامحك منك لله يشيخ

مريم سابتة ومشيت وهو وقف حاسس انو مكسور من جواه بس

هو اصلا مش بيحب هو بيتسلي بس للاسف حبا ودلوقتي خسر

حب عمره

خلص البار تفتكرو فيه فرصه بين عمر ومريم تاني ولا لا

احبيبتك رغم قسوتك

✨ LQAA YASSER ✨

احبيتك رغم قسوتك

البارت الخامس عشر

مشيت نور من عند مريم وبعد ماتاكدت انها بقت كويسه واتفقو

هيروحو التمرين ثاني يوم

ثاني يوم نور. اتصلت بمريم

نور: عامله ايه دلوقتي

مريم: زي الفل

نور: طب يلا علي الكليه

مريم: لبست من بدري

نور: دا انتي متحمسه اكرت مني بقا

مريم: شفتي

نور: انتي ناويه علي اي

مريم: ولا حاجه بس هتخطاه

نور: مش مطمئناك

مريم: لا اظمني ويلا بقا عشان متاخرش علي المحاضره

قفلو مع بعض واتقابلو ووصلو الكليه وجيه معاد التمرين نور

وقفت تستني عربيه خالد وهو جيه

خالد: مريم ازيك عامله ايه دلوقتي

مريم: انا كويسه ي خالد

خالد: متاكده

نور: نحن هنا

خالد: احم يلا عشان متاخرش ع التمرين

مشيو ووصلو النادي وكان عمر هناك واتفاجئ من وجود مريم

نور: بصي بيصلك ازاي

مريم: تعرفي متجيبش سيرته

نور: انتي شكلك فعلا نويتي تنسي

مريم: هتشوفي ينور

خلصو التمرين ونظرات عمر الي كلها اسف ومريم كانت بتتجاهلو

وخالد كان بيقترب اكثر من نور

كل واحد روح ع البيت ونام تاني في الكليه خلصت المحاضرات

وجات مريم ماشيه نده لها شخص

مروان: مريم

مريم: حضرتك بتكلمني انا

مروان: اسف بس ايوا انتي ممكن اتكلم معاكي شويه واسف علي

ازعاجك

مريم: اكيد طبعا تحب نقعد فين

مروان: في كافيه الكليه تعالي اتفضلي

راحو للكافيه وقعدو مع بعض

مروان: بصي ي انسه مريم عشان مبقاش بلف ودور انا بحبك
من زمان ومعجب بيكي وكان نفسي اجي اشرب القهوه مع والدك

مريم: تقصدنيي انا

مروان: ايوا انتي بس انا مكنتش بكلمك عشان كنتي عارفه انك

مرتبطه

مريم: ايوا بس سيبتة

مروان: طب ممكن تحديلي معاد مع والدك

مريم: بص اتفضل رقمه اهو وحدد معاد معاه تنورنا في اي وقت

اكيد

احبيتك رغم قسوتك

مروان: يعني انت موافقه

مريم سكتت وافتكرت كسره قلبها وقررت تنساه وتحب حد غيره

مريم: اها موافقه

مروان: حلو اوي هكلم والدك واحد معاه معاد ان شاء الله

مريم: تم عن اذنك عشان متاخره

وخلص البارت ع كد تتوقعو اي هيحصل

✨ LQAA YASSER ✨

احببتك رغم قسوتك

البارت السادس عشر والقبل الاخير

مريم روجت البيت بعد ما خلصت كلام مع مروان

مروان رن علي والد مريم: سلام عليكم

محمود: وعليكم السلام مين

مروان: اعرفك بنفسي يعمي انا مروان زميل مريم في الكليه

بصراحه يعمي انا بحب مريم وعيزه اجي اقعد مع حضرتك

محمود: تشرفت يبني ممكن تيجي يوم الخميس ساعه 7

مروان: باذن الله يعمي شكرا

محمود: تنور يحبيبي مع السلامه

وقفل محمود مع مروان ودخل لمريم

محمود: مريم يحببتي في واحد معاكي في الكليه متقدمك

مريم: وأنا موافقه يبابا

محمود: اي دا انتي تعرفي بقا

مريم بضحكت بخجل: اها زميلي في الكليه

محمود: ماشي يبنتي ربنا يسعدك انا اديتو معاد يوم الخميس

عشان يجي ونشوف دنيتو

مريم: تمم يبابا

خرج محمود وساب مريم رنت علي نور

مريم: نور في واحد اسمه مروان معانا في الكليه متقدملي ولا

وافقت

نور: مريم انت بتهزري انتي بتحبي عمر

مريم: لا مش بحبو انا طلعتو من حياتي وهتخطب واحب خطيبي

نور: اهم حاجه تكوني مرتاحه للي بتعمله

قفلو مع بعض ونور راحت بلغت خالد في الموضوع دا وخالد

اتصدم وراح قال لعمر

خالد: انت متعرفش أخبار مريم

عمر: مريم هي كويسه

خالد: اها هي كويسه بس

عمر: بس اي

خالد: مريم متقدملها واحد ووافقت عليه

عمر: خالد انت بتهزر صح مريم معملتش كده

خالد: لا مش بهزر ي عمر مريم قرايه فتحتها الخميس الجاي

عمر بعصبيه: ازاي دي بتحبني انا

خالد: انت عايز منها ابي انت مش كسرتها وسيبتها

عمر: انا بحبها ي خالد

خالد: لو بتحبها بصحيح سييها تشوف حياتها

سابه خالد وخرج وعمر بدا يعيط ويفكر ازاي ينقذ حبيبته

تاني يوم في الكليه البنات خالصو المحضرات وقعدو في الكافيه

نور: من القمر اللي جاي. علينا دا

مريم: دا مروان يبنتي

مروان جيه علي طربيزتهم

مروان: صباح الخير ي مريم

مريم: صباح النور يمروان تعال اقعد

قعد مروان معاهم

مروان: اكيد انتي نور

نور: ايوا انا نور بس عرفتني منين

مروان: احم منا مراقب تصرفات مريم من زمان وعارف هي

بتصاحب مين

نور بتريقه: ماشي يعم الحبيب

مريم: يلا ينور نروح عشان هنتاخر

مروان: مريم استني هوصلكو طيب

مريم: لا يمروان مش مستاهله

مروان: اشوفك بكره في البيت

مشيو مريم ونور

نور: اي القمر ده يبيت

مريم: اتلمي دا هيبيقي جوزي

نور: اها يينتل

وقعدو يهزرو

روحت مريم وجاتلها رساله علي فونها من رقم عمر

عمر: انتي هتتخطبي فعلا

مريم: ايوا بس ايش عرفك

عمر: هندمك يمريم

مريم مردش عليه وعملتو بلوك

وقعدت تفكر مين قاله وراحت اتصلت بنور

مريم: نور نو انتي قولتي لعمر اني هتخطب

نور: انا لا طبعاً

مريم: متاكده

نور: ايوا يبنتي لا لا استني انا قولت لخالد ممكن يكون قاله

مريم: انتي غبيه راحه تقولي لاخوه ومش عيزاه يقوله

نور: مجاش في بالي يستي

مريم بنرفزه: اقلي دلوقتي بقا

قفلو مع بعض ومريم كانت مديقه من تصرف صحبتها بس قررت

هتجاهل اي حاجه وهتكمل الي بتعملو

تاني يوم صحيت مريم ساعه 3العصر

وقامت تجهز عشان مروان كلها ساعات ويوصل وجات الساعه

7ومروان جيه

محمود: اتفضل يبنني

مروان: يزيد فضلك يعمي

محمود: منور يحبيبي

مروان: بنور حضرتك انا هدخل في الموضوع علي طول

وبدا مروان يعرف نفسه وخرجت مريم بشربات وقعدت ومروان كان

بيبصلها بحب

محمود: والله يبني انا موافق

مروان: بس يعمي انا عايز فرح كمان اسبوع عشان انا هسافر

وشغلي هيبيقي برا وهرجع علي الامتحانات بس

محمود: هنشوف رايي العروسه الاول

مريم: انا موافقه يبابا

محمود بستغراب: طب علي بركه الله يبني جهز الشقه وكل حاجه

والفرح الاسبوع الجاي

وقراو الفاتحه وقامت سلوي تزغرط وام العريس والعيله

الكريمه 😊😂

ومشي مروان واهله وقعدت مريم مع نفسها وكلمت نور

مريم: نور انا هتجوز الاسبوع الجاي

احبيتك رغم قسوتك

نور: انتي اكيد بتهزري

مريم: لا والله مش بهزر

نور: جواز اي يبنتي اوعي تكوني وافقتي علي جواز دلوقتي

مريم: وافقت خلاص

نور: لا لا. دا انتي مخك اتلسع

مريم: عارفه لو عرفتي حد هزعلك ينور

نور: يستي انا مليش دعوه مش هعرف حد

مريم: اما نشوف يختي

نور: الف مبروك يروحي

مريم: الله يبارك فيكي يحبيبتني

وقفلو مع بعض ونامو ابطالنا

وخلص البارت علي كده تفتكرو عمر هيعمل اي هنعرف في

البارت الجاي

✨ LQAA YASSER ✨

احبيتك رغم قسوتك

احبيبتك رغم قسوتك

البارت الاخير

تاني يوم مريم صحيت علي مكالمه مروان

مروان: صباح الخير يروحي

مريم: صباح النور

مروان: كل ده نوم قومي يلا انهارده هننزل نجيب الجهاز

مريم: هقوم اهو

قفلت مريم مع مروان وقامت تفر

سلوي: صباح الخير يحبيبتني

مريم: صباح النور يماما بابا نزل

سلوي: اها من بدري

مريم: طب انا عيزه افطر عشان هروح انهارده اشترى الجهاز

سلوي: الفطار جاهز عندك في المطبخ ادخلي كولي

مريم: حاضر هفطر والبس

فطرت مريم ولبست ورننت علي نور

مريم: اي ينور جهزتي

نور: اها اهو شوفي مروان ويلا عشان ننزل

رننت مريم ع مروان وكان جاهز ونزلو

وصلو لمحل كبير كل حاجه تتخيلوها دخلو وبدوا يختاروا الحاجه
ومريم واقفه بتتكلم مع مروان علي لون الاثاث لقت عمر قصاها

عمر: انت بتعملي ايه هنا ومين دا.

مريم كانت مرتبكه وخايفه بس مبينتش

مريم: حاجه متخصصكش ع فكره

عمر وجه كلامه لمروان

عمر: انت مين بقا يخلو

مروان: انا خطيبها في حاجه حضرتك

عمر: خطيبها مميم وبتجيبو الجهاز حلو حلو بس عارف انا اللي

المفروض ابقى مكانك

مريم: عمر لو سمحت اسكت

عمر: اسكتي انتي

مریم: انت الي مش بتحبني انت محبتنيش انت كنت بتتسلي بيا

عمر: حبيتك يمریم حبيتك اكر من نفسي

مریم: بس خلاص كل حاجه راحت ودلوقتي انا مخطوبه

مروان: انت عمر بقا انت لو مبعدهتش عنها هندمك جامد

عمر: انا الي هندمكو انتو الاتنين مریم دي بتاعتي انا ومحدث

هياخدها مني

وسابو ومشني

مریم روحت تعيط ومروان معاها

مروان: مریم متعيطيش الحيوان دا انا هوريه

مریم: مروان بعد اذنك امشي دلوقتي

مروان: حاضر بس ممكن تهدي

مریم: حاضر بعد اذنك امشي

خرج مروان وروح البيت

عند عمر

عمر: خاللللد

خالد: في ايه بتزقق لي

عمر: مريم اتخطبت

خالد: ايوا منا عارف

عمر: ازاي متقوليش

خالد: انت مالك بقا سيبها تعيش حياتها

عمر: هندمكو هندمكو كلكو

عمر ساب خالد وخرج

خالد رن علي نور

خالد: نور كلمي مريم وعرفيها ان عمر ممكن يعمل حاجه الفتره

الجايه

نور: خالد سيطر علي اخوك

خالد: مش عارف والله مش عارف بس هحاول

قفلو مع بعض ونور كلمت مريم وفهمتها ومريم كانت قلقانه بس

قالت هتنسي الي حصل

عدت الايام بخير وجيه اليوم الموعود

مروان رن علي مريم صحاها ساعه 6صبح

عند عمر بيكلم شخص مجهول

الشخص: متقلقش يباشا كل حاجه هنتم انهارده

عمر: مش عايز حد يشم خبر عن اللي حصل

الشخص: امرك يباشا

قفلو مع بعض وعمر قال لنفسه: انا هندمكو

مريم فطرت وقالت انزل الكوافير عشان مروان هياخذها ساعه 7
نزلت مريم وخارجة من البيت طلع رجل ملثم ورشلها منوم واغمي
عليها وشالها في عربيه

بعد ثلاث ساعات

سلوي: عماله برن علي مريم وتلفونها مقفول يترا حصل اي

محمود: انتي تعرفي الكوافير روحيلها شوفيه

نزلت سلوي وخارجة من بيت لقيت تلفون مريم في الارض

سلوي فهمت ان مريم مش بخير طلعت جري علي البيت تاني

وندهت لمحمود: محمود الحقني تلفون مريم واقع قدام البيت

محمود: رني علي نور شوفيها

سلوي رنت علي نور

سلوي: نور مريم معاكي

نور: لا يطنط انا وقفت ساعه ونص مستناها في الشارع

ومجاتش فا روحت هي فين

سلوي: مش عارفه من وقت منزلت كنت برن عليها تلفونها

مقفول ونزلت لقيت تلفونها واقع قدام البيت

نور: طب يطنط اقلي دلوقتي ونا هتصرف

قفلت نور مع سلوي

نور فهمت ان الي عمل كده عمر ورننت علي خالد

نور: خالد الحقني

خالد: في ايه يبنتي

نور: اخوك خطب نور

خالد: ازاي يعني متأكد من كلامك ده

نور: ايوا ايوا اخوك هو خطفها

خالد: طب اقلي دلوقتي وانا هشوف الموضوع ده

قفل خالد مع نور ورن علي عمر

خالد: مريم فين يعمر

عمر: مريم معايا ي خالد ومش هسيبها لحد غيري هنموت أنا

وهي يما نتجوز

خالد: اعقل وافهم ان انت بتتكلم غلط

عمر: مش مهم المهم ان مريم تبقي ملكي

قفل عمر في وش خالد

خالد: الو الو بين ال.....

خالد اتاكد انها معاه وعرف ان اخوه خلاص اتجنن

كلم نور وعرفها ان مريم الي خطفها عمر

نور رنت علي مروان: مروان الحقني مريم اتخطفت

مروان بصدمه: اييي اتخطفت ازاي ازاي دا حصل

نور بعياط: مش عارفه وحكيتلو كل الي حصل

مروان: انا هوريه ابن الكل. ب دا

نور: اهدي ومتهورش

مروان: دا خطف مراتي يوم فرحنا

نور: عمر مش هيسيب مريم بسهولة يمروان افهم ربنا يعدي

اليوم ده علي خير

مروان: اقلي وانا هتصرف

قفلو مع بعض ومروان جري علي القسم وبلغ بخطفها

الظابط: مش هنقدر نمشي البلاغ غير لو تم علي غيابها

24ساعه

مروان بزعيق: ازااي دا فرحنا انهارده

الظابط بزعيق: وطي صوتك بدل ما احبسك

صاحب مروان: احنا اسفين يباشا اهدي يمروان كلو هيعدي

مروان: اهدي ازاي وحببتي اتخطفت يوم فرحنا

مشيو ومروان جالو مكالمه

عمر: اي يعريس

مروان: هو انت يحيوا. ن

عمر ببرود: لا لا اهدي كده اعصابك

مروان: وديتها فين بين الكل. ب

عمر: قاعده في حضني اهي

مروان: اديني العنوان وانا اجيلك بين الكل. ب

عمر: خد يحيي العنوان ***** بس خد باله تجي لوحيدك

من غير بالبوليس حتي

قفل عمر مع مروان ومروان طلع يجري علي العربيه

صاحب مروان: مين كان بيكلمك

مروان: الي خطفها

صاحب مروان: طب ومبلغتش لي

مروان: متقلقش البوليس وانا

وصلو للمكان الي عمر قاله عليه وجيه يدخل لقي حرس كثير

علي البوابه وبداو يفتشوه ودخل

عمر: نورت يعريس

مروان: هي فين بين الكل. ب

عمر: هناك اهي بس لو قربتلها هموتها

مروان: انت عايز اي

عمر: عايزها بتاعتي المفروض انا ابقى مكانك انهارده

مروان: وانا مش هسيبها

احبيتك رغم قسوتك

وبداو يضربو بعض ومريم بتعيط ومش عارفه تتكلم عشان عمر

كاتم بوقها

عمر: هموتك

مروان: هطلع روحك في ايدي

وفجاه سمعو صوت ضرب نار عمر قام جري ومسك مسدس

ووجهه علي مريم

مروان: انت هتعمل ايه

البوليس كان جيه

الظابط: سلم نفسك

عمر: لا هموتها واموت نفسي امشوو مريم بتاعتي

الظابط: الي بتعملو ده غلط سلم نفسك بقولك

مروان طلع مسدس ووجهه ناحيه عمر وضرب طلقه جات في

مريم عمر شاف كده ضرب نار علي مروان مات

مريم وقعت علي الارض

عمر بعياط: مريم مريم قومي معايا مريمم لالالال متسبنيش يمرييم

انا اسف متسبنيش اسعاعالاف هاتو اسعاعالاف

احبيتك رغم قسوتك

جيه الظابط بيشوف نبضها لكن للاسف كانت ماتت

عمر شاف ان الظابط بيغطي وشها بدا يزعل: لالالال حبيتي

متسبنيش

.....النهايه

✨ ✨ LQAA YASSER ✨ ✨

احبيتك رغم قسوتك

الاسم /لقاء ياسر.

السن/17سنة

طالبة في تالته ثانوي تمريض وعشقت فن الكتابة والروايات من سنة.

10/4/2020 واهوى فن قراءة الروايات ومن افضل الروايات لي.

عشق الزين.

روح جحيمي

حب لا ينتهي

وقمت بعمل جروب خاص لي وبدات بتنزيل روايات عليه. حتي صار الحلم

حقيقة وقمت بعمل اول رواية إلكترونية وهيا احبيتك رغم قسوتك.



المؤسس/حسن شعبان "ادم"